



REPUBLIKA E KOSOVËS
REPUBLIKA KOSOVA – REPUBLIC OF KOSOVO
GJYKATA THEMELORE E MITROVICËS
OSNOVNI SUD MITROVICA – BASIC COURT OF MITROVICA

NË EMËR TË POPULLIT

P. nr.447/2017

GJYKATA THEMELORE NË MITROVICË-Departamenti i Përgjithshëm– Gjyqtari i vetëm gjykues Gëzim Ademi, me procesmbajtësen Hasnije Muhaxheri, në çështjen penale kundër të pandehurit: V.F me vendbanim ne fsh. ...-..., për shkak te veprës penale: Pengim i personit zyrtar ne kryerjen e detyrës zyrtare nga neni 409 par.1 të KPRK-ës, sipas Aktakuzës se Prokurorisë Themelore ne Mitrovice PP-II.nr.143/2017 te datës 06.07.2017, ne mungese te PTH. Sahit Tmava, ne prezencë te te pandehurit me datën 22.01.2019 ka shpallur publikisht, ndërsa me 25.01.2019 ka përpiluar këtë:

A K T G J Y K I M

I pandehuri: V.F, nga i ati S., e ëma H., e vajzërisë M., i lindur me ..., me vendbanim ne fsh. ... K. ..., me nr. Personal ..., i pa pune, ka te kryer shkollën e mesme, i martuar baba i tre fëmijëve, i gjendjes se dobët ekonomike, me pare i pa dënuar ndaj tij nuk zhvillohet procedurë tjetër penale, Shqiptar , Shtetas i Republikës se Kosovës.

ËSHTË FAJTOR

SEPSE: Me 03.02.2017 i pandehuri ka penguar punëtoret KEDS-it ne kryerjen e detyrës zyrtare ne atë mënyrë qe: ne fsh. ... - ..., gjate qkycjes se rrymës personave-konsumatorëve për shkak te borxheve qe i kishin ndaj KEDS-it, pasi qe te pandehurit iu ishte qkyqur rryma nga punëtoret KEDS-it, te dëmtuarit F.B, Sh.K, V.I dhe Sh.I, duke qkyqur nga rrjeti një konsumator tjetër i pandehuri ka shkuar dhe nga zyrtaret e KEDS-it ka kërkuar qe telin e qkyqur te ia ofrojnë afër shtyllës prej nga edhe e kishin qkyqur, fillimisht ka filluar qe ti fyej me fjale te ndryshme te ndyta dhe duke mos e lenë qe ta vazhdojnë punën e tyre, me çka edhe ka penguar kryerjen e detyrës.

Me këtë ka kryer veprën penale- **Pengim i personit zyrtar ne kryerjen e detyrës zyrtare nga neni 409 par.1 te KPRK-se.**

Andaj gjykata ne mbështetje te nenit 7,8,9,10,21,49,51,52,73, dhe 409 par 1 te KPRK-ës dhe nenit 365, 450,463 te KPP-ës e:

G J Y K O N

ME DENIM BURGU NE KOHEZGJATJEJE PREJ 1 (një) viti, i cili dënim nuk do te ekzekutohet nëse i pandehuri nuk kryen vepër penale ne kohëzgjatjeje prej 2 (dy) vite.

OBLIGOHET i pandehuri qe ne emër te shpenzimeve procedurale-paushallit gjyqësor te paguaj shumen prej 20 Euro, ndërsa ne emër te fondit për kompensimin e viktimave te krimet shumen prej 30 euro, te gjitha këto është i obliguar qe ti paguaj ne afatin prej 15 ditësh pas plotfuqishmërisë se këtij aktgjykimi.

I dëmtuari për realizimin e kërkesës pasurore juridike-kompensimin e demit udhëzohet ne kontest te rregullt civil

A r s y e t i m

I. Aktakuza

Prokuroria Themelore ne Mitrovice ka ngritur aktakuze PP-II.nr.143/2017 te datës 06.07.2017, kundër te pandehurit V.F, për shkak te veprës penale: Pengim i personit zyrtar ne kryerjen e detyrës zyrtare nga neni 409 par.1 të KPRK-ës.

Gjykata ka caktuar shqyrtimin fillestar me dt. 22.01.2019 ashtu qe ne këtë seance i pandehuri lidhur me fajësinë ka deklaruar: e pranoj fajësinë, pendohem thell për rastin qe ka ndodhur, dhe i njëjti i premtion gjykatës se nuk do te përsëris më vepra te tilla apo vepër tjetër penale, këtë e bëjë me vullnet dhe pa presionin e askujt.

Lidhur me pranimin e fajësisë prokurori i ka propozuar gjykatës që të pranohet fajësia e te pandehurit nga se pranimi i fajësisë është i mbështetur ne provat te cilat mbështetësin rrethanat faktike te çështjes se aktakuzës.

II. Vlerësimi i pranimit te fajësisë.

Gjykata duke vlerësuar pranimin e fajësisë nga ana e te pandehurit ka gjetur se pranimi i fajësisë ishte ne përputhje me neni 248 pasi qe i pandehuri kupton natyrën dhe pasojat e fajësisë, se pranimin e fajësisë i pandehuri e bene ne mënyrë vullnetare, pas sqarimeve te mjaftueshme nga ana e gjykatës, se aktakuza nuk përmban shkelje te qarte ligjore apo gabime faktike qe do te bënin te pamundur qe gjykata te beje vlerësimin e pranimit te fajësisë, se pranimi i fajësisë nga i pandehuri është i mbështetur ne faktet e çështjes qe përmban akuza, te gjitha këto për gjykatën përveç se vërtetojnë faktet e çështjes se akuzës njëkohësisht janë ne përputhje me pranimin e fajësisë nga i pandehuri, prandaj edhe gjykata e ka pranuar fajësinë nga ana e te pandehurit, këto rrethana vërtetohen nga provat qe gjenden ne shkresat e lendes si: Kallximin Penal nr. ... i dt.23.02.2017, Raporti policor i dt.03.02.2017, Raporti ditor i punës nga tereni, Distrikti i ... i dt.03.02.2017, Shkresa nga E.O lidhur me rastin që ka ndodhur i dt.04.02.2017, Deklarata e te dëmtuarve dt.03.02.2017, Deklaratat e te pandehurit dt.03.02.2017. Nga te gjitha këto si dhe nga pranimi i fajësisë nga ana e te pandehurit vërtetohet se i pandehuri e ka kryer veprën penale: **Pengim i personit zyrtar ne kryerjen e detyrës zyrtare nga neni 409 par.1 të KPRK-ës.**

III. Vlerësimi lidhur me llojin dhe lartësinë e dënimit.

Lidhur me llojin dhe lartësinë e dënimit gjykata ka pasur parasysh se kjo veprë penale është e dënueshme me dënim me burgim prej tre (3) muaj deri ne tre (3) vjet, andaj duke vlerësuar rrethanat lehtësuese dhe renduese, kjo gjykate si rrethana renduese ka gjetur shkallen e përgjegjësisë penale rrethanat ne te cilat ishte kryer vepra penale.

Si rrethane lehtësuese gjykata ka gjetur rrethanat personale te kryerësit dhe sjelljen e tij pas kryerjes se veprës penale, gjykata ka vlerësuar si rrethanë lehtësuese pranimin e fajësisë e qe nga deklarimi i tij me rastin e pranimin te fajësisë rezulton se i njëjti deklaroi se e ndien veten fajtor ky deklarim i tille i te pandehurit për gjykatën shpreh një pendim te thelle te tij për veprën penale.

Nga te gjitha këto gjykata duke vlerësuar te gjitha këto rrethana ka gjetur se edhe me një dënim te tillë do te arrihet qëllimi i dënimit ndaj te pandehurit pasi qe për gjykatën ne rrethana te tilla mjafton se tërheqja e vërejtjes me kërcënimin e dënimeve, do te ndaloj kryerësin qe te mos kryej vepra penale ne te ardhmen e qe ky është edhe qëllimi i dënimit me kusht. Nga te gjitha këto rrethana kjo gjykate vlerëson se edhe me një dënim te tillë do te arrihet qëllimi i dënimit ndaj te pandehurit.

IV. Lidhur me shpenzimet e procedurës penale.

Lidhur me shpenzimet procedurale-paushallit gjyqësor te paguaj shumen prej 20 Euro, ndërsa ne emër te fondit për kompensimin e viktimave te krimit shumen prej 30 euro, te gjitha këto është i obliguar qe ti paguaj ne afatin prej 15 ditësh pas plotfuqishmërisë se këtij aktgjykimi.

V. Lidhur me kërkesën pasurore juridike.

Për sa i përket kërkesës pasurore-juridike gjykata te dëmtuarit i ka udhëzuar ne konteste te rregullt civil.

Andaj gjykata duke u bazuar me neni 248, 365, 450, te KPPK-ës nga arsyeje e lartcekura ka vendosur si ne dispozitiv te këtij aktgjykimi.

GJYKATA THEMELORE NË MITROVICË
Departamenti i Përgjithshëm
P. nr.447/2017 dt.25.01.2019

Procesmbajtësja :
Hasnije Muhaxheri

Gjyqtari i vetëm gjykues
Gëzim Ademi

Këshillë juridike: Kundër këtij aktgjykimi palët kane te drejte ne ankese ne afat prej 15 ditëve ne gjykatën e Apelit ne Prishtine, nëpërmes kësaj gjykate.